



Plata dla Ploania Antermëia Sant'Antone Abat

UNITÉ PASTORALA



VAL BADIA

www.unitepastorala.org

Ploan: siur Paul Campeï

Calonia: 0474/520012

E-mail: campei.paul@rolmail.net

Siur Paul: 380 7345533

Ann C 25.08.2019 - 01.09.2019 - 21. domënia ia por l'ann

n. 39

Che vëgn pa salvá

📖 Is 66, 18–21 | Ebr 12, 5–7.11–13 | Lc 13, 22–30

Dal Vangele do San Lüca:

Te chël tēmp ²²jô Gejù sön so tru adincuntra a Ierusalem insignan da cité a cité y da païsc a païsc. ²³Dailò él stè un che l'à damanè: Signur, n'él mâ püc che vëgn salvà? Al ti à dit: ²⁴Porvésse cun dötes les forzes da passè por la porta strënta; deache tröc, ves diji, porvarà da rové ite, mo ai ne sarà nia bugn. ²⁵Sce le patrun de cíasa lê sö y sera pro la porta, restëise defora, i tlocorarëis pro porta y i cherdarëis: Signur, dèuresse! Mo él ves respognarà: I ne sa nia da olach'i sëis. ²⁶I dijarëis spò: I ùn pö mangé y boiü cun tè, y tö as pö insigné sön nostes plazes. ²⁷Mo él ves respognarà: I ves diji, i ne sa nia da olach'i sëis. Demez da mè, i ëis düc fat de tort. ²⁸Dailò beriarëise y rotarëise i dënz, canch'i odëis che Àbraham, Ìsach y Iàcob y düc i profec é tl rëgn de Dî, mo che os instësc sëis stlüc fora. ²⁹Y an gnarà dal oriënt y dal ozidënt y dal nord y dal süd y se sentarà pro mësa tl rëgn de Dî. ³⁰Spo nen saral di ultimi che sarà i pröms y di pröms che sarà i ultimi.



*Ôjeme ca tiia orëdla,
ejaudësceme, Signur, dëida to
fant che confida en tè,
sideste graziënt cun mè, oh
Signur, i te chërdi döt le dé.*

📖 Letöres dla 22. domënia ia por l'ann:

Sir 3, 17–18.20.28–29 | Ebr 12, 18–19.22–24a | Lc 14, 1.7–14

Edema liturgica dai 25.08. ai 01.09.2019

2019	Ora	Mëssa
21^a DOMENIA 25.08 DL ANN <i>oferta por la dlijia</i>	9.30 10.00	Corona Gran Messa por la comunitè a onur di Angeli Custodi aniv. + Paul Prousch + Angel Schanung <i>benedisciun dl temp</i>
LÖNESC 26.08	7.30	s. Messa + Frieda Deiacò
MERTESC 27.08 <i>s. Monica</i>		
MERCUI 28.08 <i>s. Agostin</i>	7.30	s. Messa + Teresa Ferdigg
JÖBIA 29.08 <i>Decapitaziun de s. Jan</i>		
VENDRES 30.08	7.30	s. Messa ++ Maria y Tio Pedevilla
SABEDA 31.08	17.30 18.30	<i>Ora d'adoraziun</i> s. Messa prefestia aniv. + Guido Rindler + Lois Prousch
22^a DOMENIA 01.09 DL ANN FESTA di Angeli Custodi <i>oferta por la dlijia</i>	9.30 10.00	Corona Gran Messa por la comunité a onur di Angeli Custodi fam. Erwin Forer + Tio Clara <i>benedisciun dl temp</i>

Informaziuns y terminns

Provijiun di amarà: chesta edema jarai dai amarà! le ploan

Le Cor Kerygma, deboriada cun n cor de mitans, strumentalisé y le solist Armin Valentini ala marimba, inviëia al **concert “Usc y sonns che liëia generaziuns y cultures”** cun cianties africanes, gospel y spirituals en mertesc ai 27 de agost tla dlijia de Badia y sabeda ai 31 de agost tla dlijia de Corvara, tres dales 21.15

Associazium Turistica Al Plan – San Martin: manifestaziuns:

- Sëra folcloristica cun le grup “Bal Popolar Val Badia” y intrategnimënt musical ai 27.08.2019 te palestra d’Antermëia dales 21:00.
- Concert dla musiga da San Martin ai 29.08.2019 dales 21:00 al paiun de San Martin de Tor. In cajo de burt tēmp gnará le concert de jdit.

Curs „Fruchtverarbeitung“ en lönesc, ai 23.09.2019, dales 15.00 ales 19.00 a Dietsenheim, Fachschule für Landwirtschaft, Hauswirtschaft und Ernährung. Informaziuns y iscriziuns (fina ai 05.09.19) pro Alton Elisabeth al nr. de telefon 3488291106, dales 16.00 ennant.

Festa dal paisc d’La Pli y encuntada dai grups musicai dai jogn dla Val Badia, en domëgna, ai 1 de setēمبر. Le de mēt man les 9:00 con la S. Mëssa de comié de Siur Ploan Heinrich Perathoner, ciantada dal cor de dlijia. Cösta vel ince desco S. Mëssa de conclujiun dl edema di jogn 2019. Dô la S. Mëssa vá la festa inant cun chësc program: 10:30 concert dla musiga d’La Plí, 11:30 Eduard Huber&orchestra Val Badia, 12:45 concert ProVoxis, 14:15 concert Mosaic, 15:45 concert AnterVoisis, 17:15 Louis&space travellers, 19:00 Da Piz a Ciantun, 20:45 Wizards. Bën 9 uniuns de paisc pîta spezialités culinares de vigni sort. Al sará en ciantún dai jüc por i mituns tratan döt le de. Düc é bel inviá a tó pert.

Prozesciun da Oies a Porsenú sön le pedies de S. Ujöp Freinademetz: sciöche al é bele tradiziun, vëgnera ince inian metüda a jí, plü avisa la sabeda, ai 31 d’ agost. An pëia ia dales 3:00 da doman da Oies demez. Al é ince la poscibilité da gní pormez pro la capella de S. Ujöp a Lungiarü (6:15) o do Börz dala Ütia Halsl (10:15). An ruvará tl seminar ales 17:15 olache al sará na S. Mëssa de conclujiun. Dales 18:00 él la cëna y dales 19:15 él na coriera co se condüj derevers por Longega cina a Oies. Le cost por la cëna y la coriera é de 20,00€ da paié ite en chël de. Les prenotaziun vën tutes sö al 0474-523070 o 335-5400890 cina en mercui, ai 28 d’agost. Döta la popolaziun é inviada a tó pert.

La **Ciasa de Palsa Ojöp Frëinademetz** forma na graduatoria por ejams por tó sö a tēmp determiné n **Cogo/cöga** (4^a cualifica funziunala) - Condiziuns d’azés: - diplom de scora mesana - - diplom de conclujiun de apendistat da cogo/cöga y almanco trëi agn d’esperienza de laur - - certificat de trilinguism D/A2. I/les aspiranc/antes messará indiché plü avisa tla domanda de éster diponibli/es por inciaries a tēmp determiné (de cörta dorada) a tēmp parzial. Les domandes sön le formular arjigné ca aposta (da desciairié dla plata internet www.ciasadepalsa.it) o sön cherta scëmpla cun i documënc revardënc, messará gní presentades te secretariat dla Ciasa de Palsa anter les 12.00 di 02.09.2019. D’atres informaziuns é da ciafé te secretariat sot al nr. de telefonn 0474/524700.



La porta strënta ne se deura y ne se stlüsc nia impormó ala fin dla vita. Ara è tla vita de vignun bele sègn dan da nos. Y ara á n inom nia da cancelé: Geju. “Iö sun le tru, la verité, la (porta tla) vita”. Tla fede sterscia a èl y a süa misciun, a süa mort che nes á salvé y a süa ressureziun, tl amur tres plü sterch a èl se deura por nos la porta verso l’eternité.

Zuspruch

AM SONNTAG

21. Sonntag im Jahreskreis C

Verantwortlich ist man nicht nur für das, was man tut, sondern auch für das, was man nicht tut.

Laotse

Mësses a Rina:	Dom 8.30	Dedol 19.30	Jöb 7.30	Sab 19.30	Dom 8.30
Mësses a San Martin:	Dom 9.30	Dedol 19.30	Jöb 7.30	Sab 18.30	Dom 9.30

	26.08 - 31.08.2019	Hanna - Denise
	01.09.2019	Kathrin - Nadine - Lisa - Magdalena
	31.08.2019	Martina Rubatscher
	01.09.2019	Marlene Erlacher
	<p>Les mius aodanzes por le compliagn ti fajunse a Prada Pietro (81) y a Prousch Angela (91). Döt le bun.</p>	

Impressum:
Comunicaziuns:
Download:

Ploania Antermëia - redaziun Carlo Piazza
 cina la jöbia sèra a carlo.piazza@hotmail.com | 0474 520044
www.unitepastorala.org | www.comun.sanmartindetor.bz.it